

Forskriftsendringer – Merkur-forskrifta

Kommunal- og moderniseringsdepartementet føreslår endringar i Merkur-forskrifta.

Under forskriften sitt kapittel 2 om investeringsstøtte til daglegvarebutikkar føreslår departementet fire endringar, alle i §§ 11 og 12 (tildelings- og utrekningsreglar).

Vi føreslår ei endring i følgjande kapittel:

Kapittel 3 om utviklingsstøtte til daglegvarebutikkar, § 16 bokstav b.

Kapittel 4 om servicetilskot til dei minste daglegvarebutikkane, § 22 bokstav c

Kapittel 5 om investeringstilskot til daglegvarebutikkar, eit nytt anna ledd i § 28.

Departementet føreslår ingen endringar i forskrifta sitt kapittel 1 om felles reglar for tilskotsordningane eller i kapittel 6 om utviklingstilskot til bokhandlar.

Departementet tar sikte på at endringane trer i kraft august/september 2019.

Føreslåtte forskriftsendringar med kommentarar (*Føreslåtte endringar i kursiv*).

Merkur-forskrifta kap. 2 om investeringsstøtte til daglegvarebutikkar.

I. I § 11 første ledd bokstav b står det i dag: Ein daglegvarebutikk kan søkje om investeringstilskot til fysiske investeringar viss den oppfyller krava i § 3, 1. ledd og i tillegg b) har ein avstand på minst 10 kilometer til næraste alternative innkjøpsstad, eller ligg på stader utan fast vegsamband, eller er einaste daglegvarebutikk på ei øy. Departementet føreslår at følgjande setning blir tilført: *"Det kan gjerast særskilte vurderingar for butikkar som har mellom 5 og 10 kilometer avstand til næraste alternative innkjøpsstad"*.

Hovudregelen er framleis ein avstand på minst 10 kilometer til næraste alternative innkjøpsstad. Formuleringa *"særskilte vurderingar"* inneber at det unntaksvis kan tildelast investeringstilskot til daglegvarebutikkar som har mellom 5 og 10 kilometer til næraste alternative innkjøpsstad. Det må vere lokale omstende utanom "det vanlege" som tilseier at ein kan gjere unntak.

Departementet opnar for at Merkur-styret etter *særskilde vurderingar* kan tildele investeringstilskot til daglegvarebutikkar der avstanden til næraste alternative innkjøpsstad er meir enn 5 kilometer, men mindre enn 10 kilometer. Styret kan da utøve eit visst skjønn i heilt spesielle tilfeller, der det finnes særegne lokale utfordringar.

II. I § 11 første ledd bokstav d føreslår departementet å heve beløpet frå 10 millionar kroner til 13 millionar kroner. Da vil denne regelen lyde: Ein daglegvarebutikk kan søkje om investeringstilskot til fysiske investeringar viss den oppfyller krava i § 3, 1. ledd og i tillegg d) har inntil *13 millionar kroner* i årsomsetning eksklusiv meirverdiavgift, drivstoff, kraftfôr og gjødsel.

III. I § 11 tredje ledd føreslår vi å heve maksimalt støttebeløp frå 400 000 kroner til 600 000 kroner. Da vil reglen sjå slik ut: *Maksimalt støttebeløp er inntil 600 000 kroner eksklusiv meirverdiavgift kvart år.*

Departementet meiner at å heve beløpet med 200 000 kroner er ein naturleg konsekvens av den alminnelege prisutviklinga. Vidare er auka byggetekniske- og miljømessige krav også noko som tilseier at beløpet bør hevast.

IV: I § 12 første og anna ledd auka omsetningskrav.

Ein butikk som har inntil *8 millionar kroner* i omsetning kan få tilskot med inntil 75 prosent av dei totale kostnadene i prosjektet.

Ein butikk som har mellom *8 og 13 millionar kroner* i omsetning kan få tilskot med inntil 50 prosent av dei totale kostnadene i prosjektet.

Inntil 50 prosent av dei totale kostnadene i prosjektet kan støttast.

Departementet forslår at beløpet blir auka til 8 millionar kroner i staden for 7 millionar kroner i første ledd, og at ein aukar til 8 – 13 millionar kroner i anna ledd. Omsetningsgrensene har vore dei same i nokre år og blir derfor føreslått justert. Dette er også ei følgje av den allmennlege prisutviklinga og fleire butikkar vil såleis omfattast av ordninga.

Merkur-forskrifta kap. 3 om utviklingsstøtte til daglegvarebutikkar.

V I § 16 bokstav b (tildelingsreglar) står det: Utviklingsstøtta kan bli gitt til daglegvarebutikkar som oppfyller krava i § 3, 1. ledd og i tillegg b) har mellom 3 og 7 millionar kroner i årsumsetning eksklusiv meirverdiavgift, drivstoff og kraftfôr/gjødsel. Departementet føreslår å auke krava til årsumsetning slik at det skal stå: b) har mellom *4 og 8 millionar kroner* i årsumsetning eksklusiv meirverdiavgift, drivstoff og kraftfôr/gjødsel.

Departementet føreslår å heve grensa frå 7 til 8 millionar kroner som maks grense for å kunne søke om utviklingsstøtte. Det betyr at butikkar med mellom 4-8 millionar kroner i årsumsetning kan søkje om utviklingsstøtte. Kriteria for utviklingsstøtte blir foreslått justert, slik at dei svarar til justeringane i investeringstilskotet og servicestøtta.

Merkur-forskrifta kap. 4 om servicetilskot til dei minste daglegvarebutikkane.

VI I §22 bokstav c om tildelingsreglar står det: Tilskotet kan bli gitt til daglegvarebutikkar som oppfyller alle krava § 3, 1. ledd og i tillegg c) har under 3 millionar kroner i årsumsetning eksklusiv meirverdiavgift, drivstoff, kraftfôr og gjødsel.

Departementet føreslår å auke frå 3 millionar kroner til 4 millionar kroner i årsumsetning. Ny bokstav c vil derfor lyde: "har under *4 millionar kroner* i årsumsetning eksklusiv meirverdiavgift, drivstoff, kraftfôr og gjødsel."

Dei minste Merkur-butikkane som har under 3 millionar kroner i årlig omsetning får 100 000 kroner per år i tilskot, gitt at dei tilbyr minimum tre tilleggstenester. Departementet føreslår å heve grensa til under 4 mill. kroner i daglegvareomsetning. Omsetningskravet blei satt vel lavt i første omgang. Ein Merkur-butikk med under 4 millionar kroner i omsetning er framleis ein sårbar daglegvarebutikk.

Merkur-forskrifta kap. 5 om investeringstilskot til drivstoffanlegg.

VII I § 28 føreslås eit nytt anna ledd: "*Ladestasjon for elbil inngår også i ordninga*".

Som følgje av dette blir noverande anna ledd til tredje ledd og noverande tredje ledd til fjerde ledd.

Departementet meiner at støtteordning til ladestasjon er i tråd med ein framtidsretta miljø- og klimapolitikk.